



Inatsisartunut ilaasortaq
Karl Lyberth
Siumut

§ 36 malillugu apeqqummut nr. 2009-113 akissut

Asasara Karl Lyberth

Saviminilerinermik Ilinniarfimmi biilernermit ilinniartitsisarneq pillugu apeqqutinnut qujanaq matumuunalu Naalakkersuisut sinnerlugit apeqqutit akissavakka. Apeqqutit ataatsimut akineqarput.

Naalakkersuisunut apeqqutit:

1. Naalakkersuisunut apeqqut: Saviminilerinermut Ilinniarfik Nuummittoq biilernermit allagartartarusuttunik tamanut ammasumik ilinniarfittut atuuppaa?
2. Taamaassimappat pissusissamisoorpaa ilinniarfik pisortanit ingerlanneqartoq namminersorlutik suliffiutilinnut biilernermit ilinniartitsisunut unammillenera?

Akissut:

Saviminilerinermik Ilinniarfik innuttaasunut tamanut atuuttumik biilernermit ilinniarfeqanngilaq Nuummilu maani namminersorlutik suliffiutilinnut biilernermit ilinniartitsisunut unammillerani.

Biilerneq Saviminilerinermik Ilinniarfimmi ilinniagassat ilaanni atuartitsissutigineqartarpoq ilinniartitaaneruilu fagip ilaatinneqarfiani ilinniartunut biilnik ingerlatsinissamut allagartartaarfiusarluni.

Ilinniartitaanerui terminalarbejderit, automekanikerit, lastvognsmekanikerit kiisalu entreprenørmaskinmekanikerit ilinniartut B-mik aamma C/D-mik qaffasissusilimmik biilnik ingerlatsinissamut allagartaqarnissaat piunasaqaataavoq.

Qaffasissuseq B-mi inuit biilnik ingerlatsinissamut allagartartaartoqartarpoq.

Qaffasissuseq C aamma D-mi lastvogninik ingerlatsinissamut kiisalu entreprenørmaskinik ingerlatsinissamut allagartartaartoqartarpoq. Qaffasissutsini taakkunani ingerlatsinissamut piunasaqaataavoq ilinniartup qaffasissuseq B-mi ingerlatsinissamut allagartartaarsimanissaa.

28. oktober 2009
Sags nr.
2007-003194
Dok.nr. 250716

Postboks 1029
3900 Nuuk
Tlf: +299 345000
Fax: +299 322073
Email: kiiip@gh.gl

Oqaatigineqassaaq ilinniarfimmi biilernermit ilinniartitsineq qaffasissutsini tamani toqqis-sisimanartumik aaqqinneqartarmat, tassami atuartitsisut peqataatinneqartut biilernermit ilinniartitsisutut akuerisaammata.

Nuummi Saviminilerinermik Ilinniarfimmi biilernermit ilinniartitsinermit atatillugu nammi-nersortunik sullitaqartoqanngilaq taamaattumillu ilinniarfik Nuummi namminersorlutik suliffiutilinnut biilernermit ilinniartitsisunut unammillerani.

Qulaani allassimasutigut apeqcutinnut naammattumik akisimanissara neriuutigaara.

Inussiarnersumik inuulluaqqusilluta

Mimi Karlsen